



Gofal Cymdeithasol **Cymru**  
Social Care **Wales**

# **RHEOLAU GOFAL CYMDEITHASOL CYMRU (CYNNWYS Y GOFRESTR) 2017**

**EBRILL 2017**

Mae tri math o ddogfen gyfreithiol yn ymdrin â gwaith Gofal Cymdeithasol Cymru yn rheoleiddio cofrestru'r gweithlu gofal cymdeithasol a rheoleiddio'u haddasrwydd i ymarfer, sydd **oll** yn gymwys i gofrestriad y person cofrestredig a'i addasrwydd i ymarfer:

- **Deddf Rheoleiddio ac Arolygu Gofal Cymdeithasol (Cymru) 2016 (y Ddeddf);**
- **Rheoliadau'r Cynulliad Cenedlaethol;**
- **Cyfes Gofal Cymdeithasol Cymru o Reolau Cofrestru a Rheolau Addasrwydd i Ymarfer.**

Nid yw cynnwys y Ddeddf na'r Rheoliadau wedi'u cynnwys yn y Rheolau hyn. Felly, dylech ddarllen cynnwys y Ddeddf a'r Rheoliadau ar y cyd â'r Rheolau i roi dealltwriaeth gynhwysfawr o'r gweithdrefnau cofrestru ac addasrwydd i ymarfer.

Mae'r Ddeddf ar gael yn:

<http://www.legislation.gov.uk/cy/anaw/2016/2/contents/enacted>.

Y Rheoliadau yw:

SL(5)035 - Rheoliadau Gofal Cymdeithasol Cymru (Ehangu Ystyr "Gweithiwr Gofal Cymdeithasol") 2016

<http://www.senedd.cynulliad.cymru/mglIssueHistoryHome.aspx?Ild=16524>

SL(5)032 - Rheoliadau Gofal Cymdeithasol Cymru (Cyfansoddiad Paneli: Personau Rhagnodedig) 2016

<http://www.senedd.cynulliad.cymru/mglIssueHistoryHome.aspx?Ild=16521>

SL(5)034 - Rheoliadau Gofal Cymdeithasol Cymru (Cynnwys y Gofrestr) 2016

<http://www.senedd.cynulliad.cymru/mglIssueHistoryHome.aspx?Ild=16523>

SL(5)033 - Rheoliadau Gofal Cymdeithasol Cymru (Rhestr o Bersonau sydd wedi eu Tynnu oddi ar y Gofrestr) 2016

<http://www.senedd.cynulliad.cymru/mglIssueHistoryHome.aspx?Ild=16522>

SL(5)064 - Rheoliadau Gofal Cymdeithasol Cymru (Achosion gerbron Paneli) (Diwygio) 2017

<http://www.senedd.cynulliad.cymru/mglIssueHistoryHome.aspx?Ild=17273>

SL(5)036 - Rheoliadau Gofal Cymdeithasol Cymru (Pennu Gweithwyr Gofal Cymdeithasol) (Cofrestru) 2016

<http://www.senedd.cynulliad.cymru/mglIssueHistoryHome.aspx?Ild=16525>

Y mae Gofal Cymdeithasol Cymru ("GCC"), wrth arfer ei bwerau o dan adrannau 73(2) a (4) a 91(2) Deddf Rheoleiddio ac Arolygu Gofal Cymdeithasol (Cymru) 2016 ("y Ddeddf"), a'r holl bwerau eraill sy'n galluogi GCC i'r perwyl hwnnw, ac yn sgil ymgynghori yn unol ag adran 75 y Ddeddf, drwy hyn yn gwneud y Rheolau a ganlyn:

## **TREFNIANT Y RHEOLAU**

### **RHAN I**

#### **RHAGARWEINIAD**

- |    |                        |   |
|----|------------------------|---|
| 1. | Enwi, cychwyn a dirymu | 4 |
| 2. | Dehongliad             | 4 |

### **RHAN II**

#### **Y GOFRESTR**

- |    |  |   |
|----|--|---|
| 3. | Cofnodion yn y gofrestr                                  | 7 |
| 4. | Cofnodi enwau myfyrwyr gwaith cymdeithasol ar y gofrestr | 7 |
| 5. | Dyroddi a ffurf tystysgrif gofrestru                     | 7 |
| 6. | Cadw'r gofrestr  | 7 |

## RHAN I

### RHAGARWEINIAD

#### Enwi, cychwyn a dirymu

1. (1) Caiff y Rheolau hyn eu henwi'n Rheolau Gofal Cymdeithasol Cymru (Cynnwys y Gofrestr) 2017 a byddant yn dod i rym ar 3 Ebrill 2017.
- (2) Caiff Rheolau Cyngor Gofal Cymru (Cofrestru) 2015(b) ("Rheolau 2015(b)") eu dirymu trwy hyn.

#### Dehongliad

2. (1) Yn y Rheolau hyn, oni fynna'r cyd-destun fel arall:

ystyr "**Deddf**" yw Deddf Rheoleiddio ac Arolygu Gofal Cymdeithasol (Cymru) 2016;

ystyr "**Rheolau Panel Apelau**" yw Rheolau Gofal Cymdeithasol Cymru (Panel Apelau Cofrestru) 2017;

ystyr "**Cyngor Gofal**" yw'r Cyngor Proffesiynau Iechyd a Gofal, Cyngor Gofal Cymdeithasol Gogledd Iwerddon neu Gyngor Gwasanaethau Cymdeithasol yr Alban;

ystyr "**Rheoliadau Cynnwys y Gofrestr**" yw Rheoliadau Gofal Cymdeithasol Cymru (Cynnwys y Gofrestr) 2016;

mae "**cyflogwr**" yn cynnwys asiantaethau cyflogi, pobl hunangyflogedig ac unrhyw gyflogwr gweithiwr cymdeithasol neu weithiwr gofal cymdeithasol (yn gweithio yn rhinwedd gweithiwr cymdeithasol neu weithiwr gofal cymdeithasol) y mae GCC yn gwybod amdanynt;

ystyr "**cofnod**" yw'r manylion a gofnodir ar y gofrestr fel y'u pennir yn rheol 3(1);

ystyr "**Rheolau Addasrwydd i Ymarfer**" yw Rheolau Gofal Cymdeithasol Cymru (Gwrandawiaidau Addasrwydd i Ymarfer) 2017;

ystyr "**gorchymyn atal dros dro amhenodol**" yw gorchymyn a wnaed gan banel addasrwydd i ymarfer o dan adran 154(10) y Ddeddf;

ystyr "**Rheolau Gorchmynion Interim**" yw Rheolau Gofal Cymdeithasol Cymru (Gorchmynion Interim) 2017;

ystyr "**gorchymyn atal dros dro interim**" yw gorchymyn sy'n atal dros dro gofrestrriad person cofrestredig o dan y Rheolau Gorchmynion Interim;

ystyr "**Rheolau Ymchwilio**" yw Rheolau Gofal Cymdeithasol Cymru (Ymchwilio) 2017;

ystyr “**rhan o'r gofrestr**” yw'r rhan o'r gofrestr ar gyfer gweithwyr cymdeithasol neu'r rhan o'r gofrestr ar gyfer pob disgrifiad o weithiwr gofal cymdeithasol a bennir yn y rheoliadau o dan adran 80(1)(b) y Ddeddf neu'r rhan o'r gofrestr ar gyfer gweithwyr cymdeithasol neu reolwyr gofal cymdeithasol ar ymweliad o Wladwriaethau Ewropeaidd perthnasol;

ystyr “**cofrestr**” yw'r gofrestr a gedwir gan GCC o dan adran 80 y Ddeddf;

ystyr “**person cofrestredig**” yw person sydd wedi ei gofrestru yn y rhan gweithwyr cymdeithasol, mewn rhan ychwanegol, neu ran y gweithwyr cymdeithasol sy'n ymwelwyr Ewropeaidd neu ran y rheolwyr gofal cymdeithasol sy'n ymwelwyr Ewropeaidd, o'r gofrestr; ac mae'n cynnwys person:

- (a) y byddai ei gofrestriad wedi dar fod o dan adran 87(1) y Ddeddf oni bai am y ffaith bod is-adran (2) o'r adran honno yn gymwys i'r person;
- (b) y mae gorchymyn atal dros dro yn cael effaith mewn cysylltiad ag ef;
- (c) y mae gorchymyn atal dros dro interim yn cael effaith mewn cysylltiad ag ef;
- (d) y mae gorchymyn atal dros dro amhenodol yn cael effaith mewn cysylltiad ag ef;

ystyr “**cofrestrydd**” yw'r person a benodir yn unol ag adran 81(1) a (2) y Ddeddf;

ystyr “**cofrestriad**” yw'r cofnod ar y gofrestr sy'n ymwneud â pherson cofrestredig penodol;

ystyr “**Rheolau Panel Apelau Cofrestru**” yw Rheolau Gofal Cymdeithasol Cymru (Panel Apelau Cofrestru) 2017;

ystyr “**Rheolau Cofrestru**” yw Rheolau Gofal Cymdeithasol Cymru (Cofrestru) 2017;

ystyr “**GCC**” yw'r corff corfforaethol o'r enw Gofal Cymdeithasol Cymru, sef Cyngor Gofal Cymru yn flaenorol;

ystyr “**myfyriwr gwaith cymdeithasol**” yw person sy'n cymryd rhan mewn cwrs yng Nghymru a gymeradwywyd gan GCC o dan adran 114(1)(a) y Ddeddf neu berson sy'n cymryd rhan mewn rhaglen gymhwys mewn gwaith cymdeithasol rywle arall yn y Deyrnas Unedig, y mae Cyngor Gofal wedi'i chymeradwyo;

ystyr “**gorchymyn atal dros dro**” yw gorchymyn a wnaed gan banel addasrwydd i ymarfer i atal dros dro gofrestriad y person cofrestredig o dan y Rheolau Addasrwydd i Ymarfer.

(2) Yn y Rheolau hyn, oni fynna'r cyd-destun fel arall:

- (a) bydd geiriau unigol yn cynnwys y lluosog a bydd geiriau lluosog yn cynnwys yr unigol;

- (b) bydd unrhyw gyfeiriad at reol neu ran â rhif iddi yn gyfeiriad at y rheol neu'r rhan sy'n dwyn y rhif hwnnw yn y rheolau hyn, yn ôl y digwydd;
- (c) bydd unrhyw gyfeiriad mewn rheol neu ran at baragraff â rhif iddo, yn gyfeiriad at y paragraff sy'n dwyn y rhif hwnnw yn y rheol neu'r rhan honno;
- (d) bydd unrhyw gyfeiriad mewn paragraff mewn rheol neu ran at is-baragraff â rhif iddo yn gyfeiriad at yr is-baragraff sy'n dwyn y rhif hwnnw yn y rheol neu'r rhan honno.

## RHAN II

### Y GOFRESTR

#### Cofnodion yn y gofrestr

3. (1) Bydd y cofrestrydd yn cynnwys y wybodaeth ganlynol mewn cofnod ar y gofrestr yn ymwneud â pherson cofrestredig, ynghyd â'r wybodaeth sy'n ofynnol yn ôl adran 91(1) y Ddeddf a rheoliadau 3 i 9 Rheoliadau Cynnwys y Gofrestr:
- (a) enw neu enwau (cyfredol a blaenorol);
  - (b) rhif cofrestru;
  - (c) y rhan o'r gofrestr y mae'r person cofrestredig wedi'i gofrestru ynddi;
  - (d) y sir bost sy'n gysylltiedig â'r cyfeiriad lle y caiff y person cofrestredig ei gyflogi neu lle y mae'n hunangyflogedig (oni bai ei fod wedi'i leoli'r tu allan i'r Deyrnas Unedig);
  - (e) pan fo'r person cofrestredig yn fyfyrwr gwaith cymdeithasol, y sir bost ar gyfer y man lle y mae'r person cofrestredig yn cymryd rhan mewn cwrs gradd.

#### Cofnodi enwau myfyrwyr gwaith cymdeithasol ar y gofrestr

4. (1) Pan fo cais i gofrestru wedi'i ganiatáu gan y cofrestrydd mewn perthynas â myfyrwr gwaith cymdeithasol, ni chaiff enw neu enwau'r myfyrwr hwnnw ei gofnodi ar y gofrestr hyd nes bod y cofrestrydd wedi ei fodloni bod y myfyrwr wedi dechrau cymryd rhan mewn cwrs gradd.

#### Dyrodidi a ffurf tystysgrif gofrestru

5. (1) Pan fo'r cofrestrydd yn cofnodi ac yn cyhoeddi enw neu enwau'r person ar y gofrestr, bydd y dystysgrif gofrestru ar ffurf a bennir gan GCC ac:
- (a) yn datgan:
    - (i) enw cyfredol;
    - (ii) rhif cofrestru;
    - (ii) dyddiad cofrestru; a
    - (iii) rôl gofrestredig y person cofrestredig.

#### Cadw'r gofrestr

6. (1) Cedwir y gofrestr yn ddiogel mewn modd sy'n gochel rhag ffugio.
- (2) Bydd y cofrestrydd yn diweddarau'r gofrestr yn unol â'r gofynion a osodir gan y Rheolau Cofrestru, y Rheolau Panel Apelau Cofrestru, y Rheolau Ymchwilio, y Rheolau Gorchmynion Interim a'r Rheolau Addaswydd i Ymarfer.

**Llofnodwyd ar ran Gofal Cymdeithasol Cymru**

Arwel Ellis Owen

17 March 2017

.....

.....

**Arwel Ellis Owen**  
**Cadeirydd Gofal Cymdeithasol Cymru**

**Dyddiad**